

那先經



四百卅二  
敬馬九

51023



元祿九年丙子二月日重修

皇圖鞏固 帝階綴昌

佛日增輝 懋輪常轉

山城州天安寺法金剛院置

法藏



那先比丘經卷上九

失譯

佛在舍衛國祇樹給孤獨園時諸比丘僧比丘尼優婆塞優婆夷諸天王大臣長者人民及事九十六種道者凡萬餘人日於佛前聽經佛自念人衆日多身不得安佛意欲捨人衆去到閑屏處坐思惟念道佛即捨人衆去入山至校羅叢樹間其樹有神佛坐其下思念清淨之道去叢樹不遠有群象五百餘頭中有象王賢善知善惡之事譬如人狀象輩衆多周而象王邊中有雄雌長齒中齒少齒者象王渴欲行飲水時諸小象走居前入水



驚



飲飲已於水中走戲撓勞水今濁惡象王亦  
能得清水飲象王飢欲行食草諸小象復走  
居前食噉美草走戲蹈踐其上象王不能得  
淨草食象王自念我群衆多患是諸象及小  
象子撓水今濁今草不淨而返常飲濁水食  
足踐之草象王自念我欲棄是諸象去至一  
屏處快耶象王即棄羣而去轉行入山到校  
羅叢樹間象王見佛佛坐樹下心大歡喜則  
前至佛所低頭屈膝爲佛作禮却在一面住  
佛自念我棄衆人來在是間象王亦復棄衆  
象來到是樹間其義適同佛爲象王說經言  
佛於人中最尊象王於諸象中亦尊佛言我心



象王心適相中今我與象王俱樂是樹間象王聽  
經竟心即開解曉知佛意便視佛所彷彿行處  
以鼻取水灑地以鼻撈草掃地以足蹈地今平  
好象王曰朝暮承事如是久後佛便取無爲  
泥洹道去象王不知佛處爲周旋行求索佛  
不得啼泣愁憂不樂不敢食飲時國中有佛  
寺舍在山上名迦羅洹中有五百沙門共止其  
中皆已得阿羅漢道常以月六齋齋日誦經  
至明時象王亦在山上近於寺邊象王知有  
六日誦經至其日象王常行入寺聽經諸  
沙門知象王喜聽經欲誦經時須象王來到  
乃誦經象王聽經徹明不睡不卧不動不搖

象王數聞經承事佛故久後象王亦以壽終  
死便得爲人作子生婆羅門家不復聞佛經  
亦不見沙門便棄家入深山學婆羅門道在  
山上止近比亦有一婆羅門道人俱在山上  
相與往來共爲知識其一人自念我獸世間  
縣官憂苦老病死後當入地獄餓鬼畜生貧  
窮中用是故我除頭鬚被袈裟作沙門求度  
世無爲道其一人自念我願欲求作國王得  
自在今天下人民皆共屬我隨我教令兩人  
共願如是久後二人各復壽終得於世間作  
人其一人前世宿命欲求作國王者生於海  
邊爲國王太子父母便字子爲弥蘭其一人



前世宿命欲求度世無爲泥洹道者生於天竺罽賓縣父母便字爲陀獵生便被袈裟俱生所以與袈裟俱生者本宿命所願其家有一象王亦同日生天竺名象爲那父母便因象字其子名爲那先那先長大年十五六有舅父字樓漢樓漢作沙門有絕妙之才世間無比眼能徹視耳能徹聽自知所從來生行即能飛出能無間入無孔自在變化無所不作天上天下人民及蚰飛蠕動之類心所念樓漢皆預知之那先便自往到舅父計自說言我意佛道欲除頭鬚被袈裟作沙門今我當爲舅父作弟子寧可持我作沙門耶樓漢

知那先宿命作善有慧其重衰之因聽今作沙  
彌那先始作小沙彌受十戒日誦經學問思  
惟經戒即得四禪悉知諸經獨未受大沙門  
戒於時國山中有佛寺舍名曰憇禪憇禪寺  
中有五百沙門皆得阿羅漢道中有第一阿  
羅漢名頽陂日能知天上天下去來見在之  
事那先年滿二十因作大沙門受大沙門戒  
便到憇禪寺中至頽陂日所時五百阿羅漢  
適以十五日說大沙門戒經在講堂上坐大  
沙門皆入那先亦在其中衆沙門悉坐頽陂  
日悉視坐中諸沙門心皆是阿羅漢獨那先  
未得羅漢道



頽陂日便說譬喻經言若入折米米正白中  
有黑米即剔不好今我坐中皆清白獨那先  
爲黑未得阿羅漢道那先聞頽陂日說經如  
是大愁便起爲五百沙門作禮已即出去那  
先自念我不宜在是座中坐我亦未得度脫  
其餘沙門皆已度脫譬若衆師子中有狐狗  
今我亦如是我從今不得道者不復入衆中  
坐也

頽陂日知那先意便呼那先著前以手摩那  
先頭汝今得阿羅漢不久勿愁憂也頽陂日  
便欲坐止那先

那先復有一師年八十餘字迦惟曰其縣中

有一優婆塞大賢善常日飯迦惟曰弟子那  
先主爲師持應器行取飯具師令那先口含  
水行到優婆塞家取飯具

優婆塞見那先年少端正行與人絕異宿知  
有慧預聞有明志之名能說經道優婆塞見  
那先入其舍中便即起立前爲作禮却又手  
言我飯諸沙門日久來嘗有爲我說經者今  
從我那先求哀願爲我說經解我愚癡  
那先即自念我受師教令我口含水不得語  
我今吐水者爲犯師戒如是當云何那先念  
優婆塞亦高才有志我爲其說經想即得  
道那先便吐水而坐即爲說經



人布施作善奉行經戒今世安隱後世便生  
天上下生人中即當明慧富貴後不復入地  
獄餓鬼畜生中人不奉行經戒者於今世苦  
後世復墮三惡道中無有出時優婆塞聞經  
心即歡喜那先知優婆塞心歡喜便復說深  
經言世間万物皆當過去無有常在者万物  
過去皆苦世間人身亦是世間人皆言是  
我身過我許是皆不得自在泥洹道者最樂  
泥洹者不生不老不病不死不愁不憂諸惡  
勤苦皆悉消滅

那先說經已優婆塞即得第一須陀洹道那  
先亦自得須陀洹道

優婆塞大歡喜便為那先好美飯那先語優  
婆塞先取具著師鉢中那先飯竟澡漱訖畢  
持飯具還與師

師見飯具言若今日持飯具來大好已犯衆  
人約當逐出汝那先愁不樂師言會衆比丘  
僧衆比丘僧悉會坐師言那先犯我曹衆人  
約來當共逐出不得止衆中也

頹陂日說譬喻言如人持一箭射兩准如是  
曹人不應逐出也

那先自說得道亦今優婆塞得道不應逐出  
那先師迦維曰言正使一箭中百准會為衆  
人約不得留止餘人悉不能如那先得道當



已絕後不逐出

那先者餘人復效無以却後衆坐中皆默然  
隨師教即逐出那先那先便以頭面著師足  
起遍爲衆比丘僧作禮禮竟便去入深山中  
坐樹下晝夜精進念道不懈便自成得阿羅  
漢道能飛行亦能以眼視耳徹聽亦能知他  
人心所念自知前世所從來生得阿羅漢已  
便即來還入愁禪寺中諸衆比丘僧中叩頭  
求哀悔過愁禪諸比丘僧諸比丘僧即聽之  
那先作禮竟便出去

那先轉行入諸郡縣街曲里巷爲人說經戒  
教人爲善中有受五戒者中有得須陀洹道

中有得斯陀含道者中得阿那含道者中有  
作沙門得阿羅漢道者第一四天王第二忉  
利天王釋第七梵天王皆來到那先前作禮  
以頭面著足却坐那先皆爲諸人說經名字  
徹聞四天那先所行處諸天人民鬼神龍見  
那先無不歡喜者皆得其福

那先便轉到天竺舍竭國止洙坻迦寺中有  
前世故知識一人在海邊作國王太子名弥  
蘭弥蘭小小好喜讀經學異道悉知異道經  
法難異道人無有能勝者弥蘭父王壽終弥  
蘭即立爲國王王問左右邊臣言國中道人  
及人民誰能與我共難經道者邊臣白王言



有有學佛道者人呼爲沙門其人智慧博達  
能與大王共難經道今在北方大秦國國名  
舍竭古王之宮其國中外安隱人民皆善其  
城四方皆復道行諸城門皆彫文刻鏤宮中  
婦女各有處所諸街市里羅列成行官道廣  
大列肆成行象馬車沙男女熾盛乘門道人  
親戚工師細民及諸小國皆多高明人民被  
服五色焜煌婦女傅白皆著珠環國土高燦  
珍寶衆多四方賈客賣買皆以金錢五穀豐  
賤家有儲畜市邊羅賣諸美羹飯飢即得食  
渴飲蒲萄雜酒樂不可言其國王字彌蘭以  
正法治國彌蘭者高才有智明世經道能難

去來見在之事明於官事戰鬪之術智謀無  
不通達時王出城遊戲諸兵衆屯繞外其王  
心自貢高我爲王能答九十六種經道人所  
問不窮人心適發便豫知所言王語諸傍臣  
曰尚早入城亦無所作是間寧有明經道人  
沙門能與我共難經說道者無王傍臣名沾  
弥利望羣沾弥利望羣白王言然有沙門字  
野愁羅大明經道能與王共難經說道王便  
勅沾弥利望羣行往請來沾弥利望羣即行  
請野愁羅言大王欲見大師野愁羅言大善  
王欲相見者當自來耳我不往也沾弥利還  
白王如是王即乘車與五百騎共往到寺中



王與野惔相見前問評已便就坐五百騎  
從悉皆亦坐

王即問野惔羅言卿用何故棄家捐妻子息  
剔頭鬚被袈裟作沙門乎卿所求何等道

野惔羅報王我曹學佛道行忠政於今世得其  
福後世亦得其福用是故我除頭鬚被袈裟  
作沙門

王問野惔羅言有人白衣有妻子於家有妻  
子行忠政於今世得其福不後世亦得其福  
不野惔羅言白衣於家有妻子有行忠政於  
今世得福於後世亦得其福

王言白衣於家有妻子有行忠政於今世後

世同得其福。卿無故而棄妻子。除頭鬚被袈  
裟。作沙門。爲野憇羅。便默然無以報。

王傍臣白言。是沙門大明健。有智迫促未及  
說耳。王傍臣舉手言。王得勝。王得勝。野憇羅  
便默然受負。

王即左右顧視諸優婆塞。諸優婆塞面亦不  
慚。王念是諸優婆塞。面亦不慚者。獨復有明  
經健沙門。能與我相難者耳。王語沾弥利寧  
復有明慧沙門。能與共難經說道者。無時那  
先者。諸沙門師常與諸沙門俱出入。諸沙門  
皆使說經。那先時皆知諸經要難。能說十二  
部經說經。而種種別異章斷句解。已知泥洹



之道無有能窮者無有能得勝者能解諸疑  
能明思者所言智如江海能伏九十。六種道  
爲佛四輩弟子所敬爲諸智者所歸仰常以  
經道教授人那先來到舍竭國其所相隨弟  
子皆復高明那先如猛師子沾弥利白王有  
異沙門字那先智慧深妙明諸經要能解諸  
疑無所不通能與王共難經道王問沾弥利  
審能與我共難經道不沾弥利應唯然能與  
王共難經道尚能與第七梵天共難經道何  
況於人

王即勅沾弥利便行請那先來沾弥利即往  
到那先所白言大王欲相見那先即與諸弟

子相隨到王所王雖未嘗與那先相見那先在衆人中被服行步與人絕異王遙見隱知是那先王自說言我前後所見人衆大多入大座中大多未嘗自覺恐怖如今日見那先那先今日定勝我我定不如矣我心惶惶不安也沾弥利白王言那先已來在外那先既至王問沾弥利何所是那先者沾弥利因指示王王即大歡喜正我所隱者竟是那先王即見那先衣被行步與衆人絕異那先即到前相問評語言王便大歡喜因共對坐那先語王言佛經說言人安隱最爲大利人知猷足最爲大富人有所信最爲大厚泥洹道者



最爲大快王便問那先卿字何等那先言父  
母字我爲那先便呼我爲那先有時父母呼  
我爲維先有時父母呼我爲首羅先有時父  
母呼我維迦先用是故人皆識知我世間人  
皆有是字耳

王問那先誰爲那先者王復問言頭爲那先  
耶那先言頭不爲那先也

王復問眼耳鼻口爲那先耶那先言眼耳鼻  
口不爲那先

王復問頸項肩臂足手爲那先耶那先言不  
爲那先

王復問脛脚爲那先耶那先言不爲那先王

復問顏色爲那先耶那先言不爲那先

王復問苦樂爲那先耶那先言不爲那先

王復問善惡爲那先耶那先言不爲那先

王復問身爲那先耶那先言不爲那先

王復問肝肺心脾脉腸胃爲那先耶那先言

不爲那先

王復問顏色苦樂善惡身心合是五事寧爲

那先耶那先言不爲那先

王復問假使無顏色苦樂善惡身心無是五

事寧爲那先耶那先言不爲那先

王復問聲響喘息爲那先耶那先言不爲那

先王復問何所爲那先者

新  
那先



那先問王言名車何所爲車者軸爲車耶  
王言軸不爲車那先言輞爲車耶王言輞不  
爲車

那先言輻爲車耶王言輻不爲車那先言轂  
爲車耶王言轂不爲車

那先言轆爲車耶王言轆不爲車那先言軛  
爲車耶王言軛不爲車

那先言輿爲車耶王言輿不爲車那先言扛  
爲車耶王言扛不爲車那先言蓋爲車耶王  
言蓋不爲車

那先言合聚是諸材木著一面寧爲車耶王  
言合聚是諸材木著一面不爲車也

那先言假令不合聚是諸材木寧爲車耶王  
言不合聚是諸材木不爲車

那先言音聲爲車耶王言音聲不爲車那先  
言何所爲車者王便默然不語

那先言佛經說之如合聚是諸材木用作車  
因得車人亦如是合聚頭面耳鼻口頸項肩  
臂骨肉手足肝肺心脾腎腸腠顏色聲響喘  
息苦樂善惡合聚名爲人王言善哉善哉

王復問那先能與我共難經說道不那先言  
如使王持智慧與我相問者能相難王持驕  
貴者意不能相難

王問那先言智者諸何等類那先言智者談



極相詰語相解語相上語相下語有勝有負  
正語不正語自知是非是爲最智智者不用  
作瞋怒智者如是

王復問那先言王者語何等類那先言王者  
語自放恣敢有違戾不如王語者王即強誅  
罰之王者語如是

王言願用智者語不用王者語莫復持對王  
者意與我語與我語當如與諸沙門語當如  
與諸弟子語當如與諸優婆塞語當以與衆  
沙門給使者語無得懷恐怖極正心當相開  
悟那先言大善

王言我欲有所問那先言王便問王言我已

問那先言我已荅王言荅我何等語  
那先言王亦問我何等語王言我無所問那  
先亦無所荅

王內自思惟念是沙門大高明慧我甫始當  
多有所問王意自念日欲冥當云何明日當  
請那先歸於宮中善相難問王告沾弥利語  
那先今日迫冥明日相請歸於宮中善相難  
問沾弥利望群即白那先言日欲冥王當還  
宮明日王欲請那先那先言大善王即騎馬  
還宮於馬上王續念那先字意念欲言那先  
那先念至明日

明日沾弥利望羣及傍臣白言王審當請那



先不王言當請之沾弥利望群言請者當使  
與幾沙門俱來王言在那先欲與幾沙門俱  
來耳王主藏者名慳慳白王言令那先與十  
沙門俱來可耳王復言聽那先欲與幾沙門  
俱來耳慳復白王言令那先與十沙門俱來  
可王復言聽那先自在欲與幾沙門俱來慳  
復白王令那先與十沙門俱來可耳王聞慳  
語大數王便瞋怒慳所汝真慳無輩汝字為  
慳不望汝強惜王物自汝物當云何汝不知  
逆我意當有誅罰之罪王言可去哀赦汝罪  
今我作王為不能堪飯沙門耶慳便慚愧不

敢復語

沾弥利望羣即往到那先所便前作禮白言大王請那先那先言王當令我與幾沙門俱行沾弥利望羣言自在那先欲與幾沙門俱行那先便與野愁羅等八十沙門俱行沾弥利望羣悉俱行旦欲入城沾弥利望羣道中並問那先昨日對王言無有何用爲那先那先問沾弥利望羣卿意何所爲那先者沾弥利望羣言我以喘息出入命氣爲那先那先問沾弥利望羣言人氣一出不復還入其人寧復生不沾弥利望羣言氣出不還定爲死也那先言如人吹笳氣一出不復還入如人持鍛金甬吹火氣一出時寧得復還入不沾弥利望羣言言不復還入如



人以角吹地氣一出時寧復還入不沾弥利  
望羣言不復還入那先言同氣出不復還入  
人何以故猶不死沾弥利望羣言喘息之間我  
不能知願爲我曹解說之那先言喘息之氣  
皆身中事如人心有所念者舌爲之言是爲  
舌事意有所疑心念之是爲心事各有所主  
分別視之皆空無有那先也沾弥利望羣心  
即開解便受五戒爲優婆塞

那先便前入宮到王所上殿王即爲那先作  
禮而却那先即坐八十沙門皆共坐王極作  
美飯食王手自著那先前飯衆沙門飯食已  
竟澡王畢訖王即賜諸沙門人一張褰袈裟

革屣各一量賜那先野耜羅各三領袈裟各一量革屣王語那先野耜羅言留十人共止遣餘人令去那先即遣餘沙門令去留十人共止王勅後宮諸貴人妓女悉於殿上帷中聽我與那先共難經道時貴人伎女悉出殿上帷中聽那先說經時王持座坐於那先前

王言當說何等那先言王欲聽要言者當說要言

王言卿曹道何等最要者用何等故作沙門那先言我曹欲棄世間勤苦不欲更後世勤苦用是故我曹作沙門我曹用是為最要善王言諸沙門皆不欲更今世後世勤苦故作



沙門耶那先言不悉用是故作沙門沙門有四輩

王言何等四那先言中有負債作沙門中有畏縣官作沙門者中有貧窮作沙門者中有真欲棄滅今世後世勤苦故作沙門那先言我本至心求道故作沙門耳王言今卿用道故作沙門耶那先言我少小作沙門有佛經道及弟子諸沙門皆多高明我從學經戒入我心中以是故棄今世後世勤苦故作沙門王言善哉王問言寧有人死後不復生者不那先言中有於後世生者中有不復生者王言誰於後世生者誰不復生者那先言人有

恩愛貪欲者後世便復生人無惡愛貪欲者  
後世不復生也王言人以一心念正法善故  
後世不復生耶那先言人以一心念正法念  
善智慧及餘善事故後世不復生

王言人以一心念正法善與智慧是二事其  
義寧同不

那先言其義各異不同

王問那先牛馬六畜頗有智無有智那先言  
牛馬六畜各自有智其心不同

那先言王曾見穫麥者不左手持麥右手刈  
之那先言智慧之人斷絕愛欲譬如穫麥王

言善哉



王復問那先何等爲餘善事者

那先言誠信孝順精進念善一心智慧是爲善事

王言何等爲誠信者

那先言誠信者無所復疑信有佛有佛經法  
信有比丘僧信有阿羅漢信有今世信有後  
世信有孝順父母信有作善得善信有作惡  
得惡得信是以後心便清淨即去離五惡何  
等五惡一者貪婬二者瞋恚三者睡眠四者  
戲樂五者所疑人不去是五惡心意不定去  
是五惡意便清淨

那先言譬如遮迦越王車馬人從瀾渡水令

水濁惡過度以去王渴欲得水飲王有清水  
珠置水中水即爲清王便得清水飲之那先  
言人心有惡譬如濁水佛諸弟子得度死生  
之道心以清淨如珠清水人却諸惡誠信清淨  
譬如明月珠王言善哉善哉

王問言人精進誠信者云何那先言佛諸弟子  
自相見輦中脫諸惡心中有得須陀洹者中  
有得斯陀含者中有得阿那含者中有得阿  
羅漢者中有因相效奉行誠信者皆亦得度  
世道

那先言譬如山上大雨其水下流廣大兩邊  
人俱不知水深淺畏不敢度如有遠方人來



視水隱知水廣狹深淺自知力勢能入水便  
得渡過兩邊人衆便効隨後亦得渡去佛諸  
弟子亦如是見前人淨心得須隨沮斯隨舍  
阿那含阿羅漢道皆從善心精進所致也

佛經言人有誠信之心可自得度世道人能制  
止却五所欲自知身苦者乃能得度世人皆

從智慧成其道德王言善哉善哉

王言何等爲孝順者那先言諸善者皆爲孝  
順凡三十七品經皆由於孝順爲本

王言何等爲三十七品經那先言有四意止  
有四意斷有四神足有五根有五力有七覺  
意有八種道行

王復問那先言何等爲四意止者那先報王  
言佛說一爲身身觀止二爲觀痛痒痛痒止  
三爲觀意意止四爲觀法法止是爲四意止  
王復言何等爲四意斷那先言佛說已分別  
止四事不復念是爲四意斷以得四意斷便  
自得四神足念

王復問何等爲四神足念那先言一者眼能  
徹視二者耳能徹聽三者能知他人心中所  
念四者身能飛行是爲四神足念

王復問何等爲五根者那先言一者眼見好  
色惡色意不貪著是爲根二者耳聞好聲惡  
罵聲意不貪著是爲根三者鼻聞香臭意不



貪著是為根四者口得美味苦辛意不貪著  
是為根五者身得細滑意亦不喜身得麤堅  
意亦不惡是為五根

王復問何等為五力者那先言一能制眼二  
能制耳三能制鼻四能制口五能制身令意  
不墮是為五力

王復問何等為七覺意者那先言一意覺意  
二分別覺意三精進覺意四可覺意五猗覺  
意六定覺意七護意是為七覺意

王復問何等為八種道行那先言一直見二  
直念三直語四直治五直業六直方便七直  
意八直定是為八種道行凡是三十七品經

皆由孝順爲本

那先言凡人負重致遠有所成立皆由地成  
世間五穀樹木仰天之草皆由地生

那先言譬如師匠置作大城當先度量作基  
趾已乃可起城

那先言譬如伎人欲作當先淨除地平乃作  
佛弟子求道當先行經戒念善因知勤苦便  
棄諸愛欲便思念八種道行

王言當用何等棄諸愛欲

那先言一心念道愛欲自滅王言善哉善哉  
王復問言何等爲精進者那先言持善助善  
是爲精進



那先言譬如垣牆欲倒從邊拄之舍欲傾壞亦復拄之是為精進

那先言譬如國王遣兵有所攻擊兵弱欲不如王復遣兵往助之兵便得勝人有諸惡如兵少弱時人持善心消滅惡心譬如王增兵得勝持五善心消五惡心譬如戰鬪得勝是為精進助善如是

那先言精進所助致人善道已得度世道無有還期王言善哉

王復問何等為意當念諸善事者

那先言譬如人取異種華以縷合連繫之風吹不能散

那先復言譬如王守藏者知王帑藏中金銀珠玉瑠璃珍寶有其多少道人欲得道時意念三十七品經譬如正所謂念度世之道者也人有道意因知善惡知當可行知當不可行分別白黑自思惟以後便棄惡就善那先言譬如王有守門者知王有所敬者知王有所不敬者知有利王者知有不利王者守門者知王所敬者知利王者便內之知王不敬者知不利王者守門者即不內那先言人持意亦如是諸善者當內之諸不善者不當內守意制心譬如那先說經言人當自堅守護其意及身中六愛欲持意堅守自



當有度世時王言善哉善哉

王問那先言何等為一其心者那先言諸善中獨有一心最第一人能一其心諸善皆隨之

那先言譬如樓陛當有所倚諸為善者皆著一心

那先言譬如王將四種兵出行戰鬪象兵馬兵車兵步兵皆導引王前後佛諸經戒及餘善事皆隨一心亦譬如兵

那先說經言諸善中一心為本學道人衆多皆當先歸一心人身生死過去如水下流前後相從無有住時王言善哉

王復問何等為智慧者那先言我前說已人

有智慧能斷諸疑明諸善事是為智慧

那先言譬如持燈火入冥室火適入室便亡  
其冥自明明人有智慧譬如火光

那先言譬如人持利刀截木人有智慧能截  
斷諸惡譬如利刃

那先言人於世間智慧最為第一人  
有智慧能得度脫生死之苦王言善哉

王言那先前後所說經種種別異但欲趣却  
一切惡耶

那先言然佛經所說種種諸善者但欲却一  
切惡也

那先言譬如王發四種兵雖行戰鬪初發行



時意但欲攻敵耳佛所說經種種諸善但欲  
共攻去一切惡耳王言善哉善哉那先說經  
甚快也

王復問那先言人死所趣善惡之道續持故  
身神行生耶更賀他神行生耶那先言亦非  
故身神亦不離故身神那先因問王身小時  
哺乳時身至長大時續故身非王言小時  
身異

那先言人在母腹中始隨精時至精濁時故精  
耶異也堅為肌骨時故精耶異也初生時至年  
數歲時故精耶異也如人學書時傍人寧能  
代其工不王言不能代其工那先言如人犯

法有罪寧可取無罪之人代不王言不可那  
先以精神罪法語王王意不解

王因言如人問那先那先解之云何那先言  
我故小時身耳從小至大續故身尔大與小  
時合為一身養是命所養

那先問王言譬如然燈火寧至天明不王  
言然燈油至明那先言燈中炷火至一夜時  
續故火光不至夜半時故火光不至明時故  
火光不王言非故火光那先言然燈從一夜  
至夜半復更然燈火耶向晨時復更然燈耶  
王言不中夜起更然火續故一炷火至明耳  
那先言人精神展轉相續亦譬如是一者去



一者來人從精神生至老死後精神更趣所向生展轉相續是非故精神亦不離故精神人死以後精神乃有所趣向生那先言譬如乳湏化作酪取酪上肥煎成醍醐寧可取醍醐與酪上肥還復名作乳湏其人語寧可用不王言其人語不可用那先言人神乳重從

乳湏成酪從酪成肥從肥成醍醐人神亦如是從精神生從生至長從長至老從老至死死後神更復受生一身死當復更受一身譬如兩主更相然王言善哉善哉王復問那先人有不復於後世生者其人寧能自知不

那先言然有能自知者王言用何知之那先  
言其人自知無恩愛無貪欲無諸惡用是故  
自知後世不復生

那先問王譬如田家耕犁種穀多收斂著篋中  
至後歲不復耕不復種但仰篋中穀食其田家  
寧復望得新穀不王言其田無所復望那先言  
其田家何用知不復得穀王言其田家不復耕不  
復種故無所望那先言得道亦如是自知已棄  
捐恩愛苦樂無有貪心是故自知後世不復生  
王復言其人於後世不復生者於今寧有智  
異於人不那先言然有智異於人王言寧能  
有明不那先言然有明王言智與明有異同



乎那先言智與明等耳

王言有智明者寧悉知万事不寧有所不及  
知不那先言人智有所及有所不及王言何  
等為智有所及有所不及那先言人前所不  
學前所不及知人前所學前所及知智者所  
見人及万物皆當過去歸空不得自在人心  
所貪樂皆種苦本從是致苦慧者知非常成  
敗之事是智為異於人

王問言人有智慧癡愚所在那先言人有智  
慧諸愚癡皆自消滅那先言譬如人持燈火  
入冥室室中皆明冥即消滅智如是人有智  
慧諸癡愚皆悉消滅

王言人智今為所在那先言人行智以後智  
便消滅智所作者故作

那先言譬如人夜於火下書火滅字續在智  
者如是有所成已智便消滅其所作續在王  
言智有所成已便自滅是何等語

那先言譬如人備火豫作戒火五瓶水如有  
失火者其人持五瓶水水摘滅火火滅以後  
其救火人寧復望得完瓶歸家用不王言其  
人不復望瓶破火滅豈復望瓶耶那先言道  
人持五善心消滅諸惡亦譬如瓶水滅火王  
言何等為五善那先言一者信善有惡二者  
不毀經戒三者精進四者有慧念善五者一



心念道為是五善人能奉行是五善者便得  
智慧便知身及万物非常便知苦不得自在  
便知空無所有

那先言譬如醫師持五種藥詣病者家以藥  
飲病人病者飲藥得愈醫寧復望得故藥復  
行治人不王言不復望得故藥那先言五種  
藥者如五善智其醫者如求道人其病者如  
諸惡愚癡者如病人得道度世者如病得愈  
人智所成致人度世道人已得道智亦自滅  
那先言譬如健闘人把弓持箭前行向敵以  
五箭射敵得勝其人寧復望箭歸歸不王言  
不復望箭那先言五箭前者人五智也智人從

智得道如健闘得勝敵家諸惡者如諸惡道人持五善心滅却諸惡諸惡皆滅善智即生人從善智得成度世道者常在不滅王言善哉王言如人得道後世不復生者後寧復更苦不那先言或有更苦者或有不更苦者王言更苦不更苦云何那先言身更苦心意不更苦王言身更苦心意不更苦云何那先言身所以更苦者其身見在故更苦心意棄捐諸惡無有諸欲是故不復更苦王言假令得道人不能得離身苦者是爲未得泥洹道耶王言人得道已亦無恩愛身苦意安何用爲得道



王言假令人得道已成當復何留那先言譬  
如果物未熟不強熟也已熟亦無所復待那  
先言王屬所道者舍犁曰所說舍犁曰在時  
言我亦不求死我亦不求生我但須時可時  
至便去王言善哉善哉

那先經卷上九

驚

撓撈

上呼高反

彷徨

上步下音羊忙反

蛸飛

上紆緣反 陸蒲米

蠕動

上音軟

憩禪

上和音

頰陂

上於下音甲 反叩頭

上音

洙垣

二字音

刻鏤

下音

焜煌

昆皇 二字音 燎

燥

二同老反 蘇賈客

上音

儲畜

上音

剔頭

上他反 陸

脚

上蒲反

革徒

下所反

喘息

上尺反

輻

音

轂

下所反

綺反

所

喘

上尺反

輻

音

轂



音  
輓  
厄  
輿  
音  
余  
扛  
二  
音  
剛  
吹  
筋  
加  
下  
音  
鍛  
金  
貫  
上  
音  
丁  
二

量  
下  
力  
獲  
麥  
郭  
上  
胡  
刈  
反  
魚  
吠  
瀟  
度  
上  
音  
猗  
覺

一  
上  
音  
於  
倚  
離  
反  
潼  
凍  
音  
肥  
房  
非  
筆  
中  
上  
徒  
捐  
交  
籜  
圓  
倉  
也  
遠



